





S

B



Obca

Teology

11.343.

SANCTISSIMI IN CHRISTO PATRIS  
ET DOMINI NOSTRI DOMINI  
**CLEMENTIS**  
DIVINA PROVIDENTIA  
P A P Æ XIII.  
**LITERÆ DECRETALES**  
SUPER  
CANONIZATIONE,  
B. JOSEPHI CALASANCTII  
A MATRE DEI  
Fundatoris Ordinis Clericorum Regularium  
Scholarum Piarum.



BIBLIOTHECA  
JAGELLONICAE

R O M Æ MDCCLXVII.

Ex Tygraphia Reverendæ Camera Apostolicæ.

Teologia, obca

drug. egz. pod klapsu



IN OMNIBUS CHRISTO PATRIS  
ET DOMINI NOBIS DOMINI

CLEMETIS

DIVINA PROVIDENTIA

P. A. P. XIII

LITTERAE DECRETALES

SUPER

CAVONATIONE

B. JOSEPHI CALASANTII

A. MATRE DEI

Fundatoris Ordinis Clericorum Regularium  
Scholarum Tiarum



1800

ROMAE MDCCCXVII  
In Typographia Regia Curiae





# CLEMENS EPISCOPUS.

SERVUS SERVORUM DEI

*Ad perpetuam rei memoriam.*



Admirabilis sane Omnipotentis Dei providentia, tum in constituenda, tum in farta rectaque servanda Ecclesia, quam Christus acquisivit sanguine suo, jam inde ab ejus primordio ad hanc usque diem illustribus, & præclarissimis, ut ab omnibus facile conspici possent, sese prodidit argumentis. Per omnes enim ætates benignissimus Deus homines in ea sanctissimos excitavit, qui studio alienæ salutis incensi juvandis quoquomodo fidelibus adlaborarent. Quum autem cujuslibet ætatis homines Sanctorum virorum studio atque opera indigeant, ne ignorantia tenebris obcæcati meliora non videant, vel etiam si videant, a concupiscentia sua abstracti, & illecti deteriora sequantur; tenera profecto & puerilis ætas singularem quamdam & præcipuam curam requirit, ne sibi relicta atque inculta, voluptatum lenocinio, paulatim ad vitia defluat, sensus quippe & cogitatio humani cordis in malum prona sunt ab adolescentia sua. Quapropter tametsi Christus Dominus omnes promiscue ad se accedentes humanissime exciperet, pueros tamen eximio



quodam amore complectens, finite, iquit, parvulos venire ad me. Novissime vero cum rediturus ad Patrem Beato Apostolo Petro quem Vicarium in Terris suum constituerat, Ecclesiam sibi carissimam regendam, & pascendam committeret, Oves quidem, per quas Adulti intelliguntur, non amplius quam semel, Agnos vero quibus Pueri designantur, semel atque iterum commendavit.

Itaque quæ B. JOSEPH CALASANCTIUS a MATRE DEI, genere doctrinâ, virtute præstans, secum animo reputaret in optima puerorum institutione spem, Reipublicæ Christianæ certissimam positam esse, & pueros videret, inopes præsertim, atque infimæ sortis, propterea quod idoneâ, & singulari disciplinâ carerent, velut Agnos sine Pastore hac illac errabundos, & vagos facile ad vitia deflectere, pro eo, quo flagrabat, alienæ salutis studio hanc sibi, despicabilem forte apud homines, apud Deum vero gloriosam provinciam deposcens, ad eosdem, a teneris usque annis literis ac pietate informandos animum appulit. Et primo quidem suâ, atque aliorum ab se conductorum operâ usus est ad id muneris, in quo nimirum charitas simul, atque humilitas mutuam sibi operâ dabant. At processu tēporis reputâs piû istud opus defuncto sibi superstes esse non posse; novum in Ecclesia Dei Regularem Ordinem excogitavit, sapienter, & per summam patientiam instituit, cujus labore atque industriâ, quod sancte ipse & utiliter inchoasset, in omne deinceps tempus maneret. Quot autem, quantosque labores exhausserit, ut cogitata perficeret, quam constanti animo aspera quæque toleraverit, quam præclara denique virtutum omnium, cunctis quidem fidelibus, sed suis potissimum Filiis monumenta reliquerit, dici vix potest.

Quapropter quum bonorum operum Author idem, & largissimus renumerator Deus, qui BEATUM hunc Servum suum tot, & tam præclaris virtutibus decoravit, easdem subinde, editis per ipsius Servi sui invocationem miraculis ostendere, & palam facere dignatus fuerit, Nos idcirco virtutum, & miraculorum examine habito perquam diligenti, in consilium adscitis,



(V)

tis Veneralibus Fratribus Nostriis S.R.E. Cardinalibus, auditis etiam Patriarchis, & pluribus Archiepiscopis & Episcopis in Urbe congregatis, ac divino Spiritu humiliter invocato, eundem B. JOSEPHUM Sanctorum numero adscribimus, atque eo, qui Domesticos Dei decet, in Caelēsti Curia honore & cultu prosequendum esse statuimus & declaramus.

BEATUS hic Servus Dei Peraltæ Salis Aragoniæ Oppido non incelebri, anno a reparata salute MDLVI. Parentibus natus est antiqua nobilitate clarissimis. Jam inde a teneris annis suavitate morum, lenitate, patientia, precandi studio, cultu Deiparæ singulari, qualis futurus esset haud obscure indicavit. Grandiuscula mox ætate pueros munusculis ad sese alliciens avocare a vitiis, ad virtutem impellere, ad Dei cultum hortari solebat, ut proinde Sancti apud omnes nomen & famam adeptus, instituendo ab se Ordini producere quodammodo videretur. Humaniorum artium doctrinā satis jam excultus ad præstantiores Jurisprudentiæ, ac Theologiæ facultates animum appulit, atque in iis quidem nulli secundus; innocentiam vero, castimoniā, integritate morum supra cæteros eminebat. Quod enim tempus plerique adolescentum ludis atque otio, religionis ille ac pietatis officiis impertiebat. Solitudinis studiosus continebat se domi, nisi vel ad templum pietas (quod frequens erat) vel necessitudo, studiorumque communio ad æqualium quandoque consuetudinem, & colloquium vocaret. Neque vero in illo aut modestiæ comitas, aut comitati modestia officiebat. Largissima erat in eo erga inopes, atque egenos misericordia. Ardor animi erga res divinas præsertim cum ad Sacra Mysteria. uti crebro solebat, accederet, ita ex vultu ipso atque ore emicabat, ut in admirationem sui oculos intuentium raperet. Pudor autem prorsus in eo singularis, ut vel in tenera adhuc ætate, morbo licet urgente, nemini unquam, ne Matri quidem curpusculi ipsius partem ullam adspicere nudam licuerit.

Ilerdæ non aliā utique, quam eximiæ suæ commendatione virtutis, cunctis quum Magistrorum, tum Condiscipulorum suffragiis universæ studiosæ juventuti præfectus ac princeps



(VI)

renunciatus, ejusmodi honore, ac munere sic functus est, ut qua voce, qua exemplo (quod quidem suavissimum, idemque efficacissimum monendi genus est) segnes ad studia, dissidentes ad concordiam, improbos ad virtutem adhortaretur. Et quidem industriæ suæ fructum tulit, quem maxime optarat. Alia enim jam facies extitit juventutis in Scholis, in Templis, in Nosocomiis, ut propterea qui tam præclare meritum de Scholis JOSEPHUM fasciperent, eundem veluti delapsum e Cœlo Angelum venerarentur.

Itaque coram eo nemo erat, qui impudenter dicere aliquid, vel indecore facere auderet. Tam spectatam virtutem, ac præsertim animi castimoniam teterrimus humani generis hostis ferre non poterat. Itaque ad eam labefactandam usus est impudentiâ nobilis cujusdam foeminæ, quam JOSEPHUS veterem suæ cum familia illius necessitudinem retinens, invisere subinde consueverat. Sed castissimus Juvenis blandientis foeminæ illecebras tantâ animi exhorrescentis constantiâ elusit, ac respuit, ut non satis haberet, quod e domo illa, tanquam ex infami scopulo sese proripuisset; nisi etiam ex Urbe ipsa, uti præstitit, aliò demigraret, ut alterius magis, vel famæ, vel pudicitiae, quam castimonie suæ periculum declinaret. Post gratias igitur impense actas Deiparæ, cujus tam præsentem in eodiscrimine opem expertus erat, initaurato etiam virginitatis voto, statim Complutam profectus est, ubi novum innoxio quantumvis corpori ciliciis, inedia, vigiliis bellum indixit.

Peraçto denique studiorum curriculo, laureâ donatus, tametsi nondum Sacris majoribus initiatus ab Episcopo Jaccæ socius laborum adscitus est, non sine magna Diœcesis utilitate. Jamvero mortuo Fratre sine liberis, a Parente in spem Familiæ destinatus ad nuptias, morbo interveniente periculoso atque ancipiti, ab iis sese expedit. Quum enim ad mortem decumberet, in eo temporis articulo facile a Parente JOSEPHUS obtinuit, ut si convalesceret, coelibem agere vitam liceret. Itaque præter omnem opinionem recuperatâ valetudine Sacrorum Ordinû susceptione ut primû potuit, totû se Deo mancipavit. Neque  
vero



verū dñi licuit JOSEPHO sibi uni vacare. Cognita enim illius pietas, sapientia, integritas fecit ut a pluribus Episcopis in Pastoralis sollicitudinis partem advocaretur. Quibus ille quidē non mediocri laborum fructu operam egregie navavit, præsertim in Urgellenſi Diœceſi, quum commiſſū ſibi peculiaris aſperimorū locorū viſitationis munus expleret. Multa ſibi relata in melius, multa proviſa prudenter, magnis propterea exhaustis laboribus, atque adeo non ſemel adito vitæ periculo. Barcinonem deinde Regiā miſſus authoritate ſciſſā in factiones duas Civitatem, atque in mutuas mox cædes ſædiſſime ruituram (quod optare magis, quam ſperare Cives poſſent) ad concordiam & pacem conſilio, & ſulis ad Deum precibus revocavit. Charitatis hoc & prudentiæ; illud animi demiffionis fuit, quod, ut paratos ſibi honores defugeret, oculis, atque aſpectui plaudentium ſibi Civium ſeſe ſubducens, Urgellam ſtatim reverſus eſt, a qua tamen majus quoddam humilitati ſuæ inſtare ab Rege periculum ſuſpicatus, ob rem tantam jam pervulgatam, haud ita multo poſt proficiſcens ætatis ſuæ anno ſecundo ſupra trigeſimum Romam, quò divinitus vocabatur, ſe contulit.

Vitam in Urbē JOSEPHUS abſconditam cogitabat: ſed a Cardinali Columna, qui præſtantiam illius ab Epifcopo Urgellenſi cognoverat, in Aulam ſuam adſcitus eſt, ut ſibi Theologus a ſtudiis, ac Fratris Filio præterea optimæ ſpei adoleſcentulo morum magiſter eſſet. Verum non iſ erat JOSEPHUS, qui Aulæ honoribus caperetur, cum non ſemel Dignitates ampliſſimas repudiaverit. Illud enim ſibi propoſuerat jam dudum ut Deo maxime, & proximorum ſaluti inſerviret. Itaq; ut ampla laborum, & meritorum ſeges ſuppeteret, quinque ſe celeberrimis Romæ ſodalitatibus adſcribi voluit, earumq; Sanctiſſimas leges ſublevandis pauperibus, inviſendis ægris, erudiendis aſgreſſibus, ac plebeiis tam ſedulò, ac naviter obſervabat, ut in cenſo ſuo ſtudio cæteros omnes ad eadem charitatis officia inſſamarèt. Graſſante per Urbē lue, hic enim vero, ſi umquam antea, quid chriſtiana charitas poſſit, maxime oſtendit. Nul- lum enim ab eo erga ægros, & pauperes officium deſuit. Qua quidem in remiſericordiæ, atq; humilitatis aſſidua erat exerci-

tatio



tio. Talis namq; ac tantus vir, onustum cibariis, ac pharmacis afellum per vias agere, & cum Sancto Camillo de Lillis, cui se focium addiderat, ad egentium, atque ægrotantium domos deferre nequaquam erubescbat. Neque vero cum iuvandis proximis tantum temporis impertiret; spatiū illi deerat ad ea, quæ cultus Dei sunt, obeunda. Etenim ut præter cætera, quæ sibi proposuerat, Religionis officia, septem Urbis Ecclesias, quod a multis jam annis solemne habebat, inviseret, e nocturna quiete partem sibi maximam detrahebat.

Sed majus profecto aliquid, quod non ad Urbem modo, sed ad Christianā Rempubicā pertineret, JOSEPHUS aggressus est. Quum enim vir æternæ proximorū salutis maxime studiosus videret pueros, præsertim infimæ sortis necessaria instructione carere; qua ex re cū incitiam passim vitia inolefcerent, primo quidem sūmpto suo Magistros quæfivit, qui pueros, præeunte ipso, ac pauperrimos sibi deposcente, primis literarum, ac christianæ doctrinæ elementis imbuerent. Sed quum id ad tempus duntaxat, & paucis profuturum intelligeret, novum quoddam Institutum meditatū est, cujus operā assidua illa charitatis in edocendis adolescentibus exercitatio perpetua maneret: quod quidem Institutum, cum peculiarem potissimum profiteatur curam circa puerorum eruditionem, adeo ab omnibus commendari, & expeti cœpit, ut ipse JOSEPH adhuc vivens in septem Provincias late per Orbem diffusas, benedicente Domino, propagatum conspexerit.

Sed quam multas, quamque acerbis ob eam rem a domesticis ipsis, nedum ab aliis injurias, calumniasque pertulerit, haud facile dictū est. Illud sit instar omnium quod felicis recordationis Benedictus XIV. Prædecessor Noster, ut perhibent, aspera quæque atque indigna, quæ Servo Dei ad extremam usque ætatem subeunda fuerunt, animo reputans; JOSEPHUM Jobum alterum appellare non dubitavit. Hujusmodi autem incredibilis patientia, atque animi æquitas tunc maximè enituit, cum ex infanda calumniatoris nequissimi delatione comprehensus, ac tota spectante Urbe, satellitum manu stipatus, ad carceres perductus fuit, ut hominibus quidē ludibrio, Angelis vero



vero admirationi esse & gaudio. Etenim mitissimo atque humillimo viro, qui statim compertus innocens, ut impactæ calumnix labes abstergeretur, summo cum honore cunctis plaudentibus domum reductus est, expetendum id magis visum fuit, quam dolendum. Illud utique dolendum maxime, atq; acerbum accidit, quod vineam ab se tanto labore, ac studio plantatam, quæq; palmites suos longe lateq; extenderat, dissipatam jam, atq; a singulari Fero-pene exterminatam conspexit.

Attamen in his etiam rerum asperitatibus ne vestigium quidem de gradu constantix dejectus, ostendit quam vere scriptum sit: Justum non contristare quidquid acciderit. Contumeliis enim & conviciis laceffitus impudentissimis, ita se gerebat, ut iis delectari videretur. Obtrectatoribus suis, quos coercere facile potuisset, non aliam rependit vicem, quam quæ à Christo præscripta est, ut bene scilicet precaretur iis, à quibus injuriam acceperat. Sed & Deus ipsi tam admirabili patientiæ coelestem aliquam vel in terris mercedem rependit. Deiparam enim cum puero JESU videre meruit sibi, & commissis suæ disciplinæ adolescentulis benedicentem. Illius modo vultus inter orandum, modo corpus totum, dum Sacris operatur, coelesti lumine circumfusus, atq; e terra sublime conspectum est. Illum in cubiculo preces fundentem Beatissima Virgo adspedu, alloquioq; suo recreavit. Dono præterea Prophetiæ non caruit, qua vel futura prædiceret, vel arcana cordium penetraret. Absentibus invocatus præsto erat. Filiis suis pariter longo licet intervallo disjunctis aderat, ut vel moneret, si quid forte delinquissent, vel Parantibus ad eum scribere in ipso articulo temporis responderet. Ejus item contactus ægrotantibus salutaris erat, præsentia Dæmonibus formidolosa.

Sed jam suprema dies aderat, qua JOSEPHUS ejusdem præscius, post labores tam multos, post tam longas ærumnas sempiternâ quiete ac beatitudine potiretur. Itaq; correptus morbo, quem Medici levem, & ultimum ipse affirmabat, Christianarum virtutum, earumq; maxime, quæ id tempus posceret in occursum Domini parare se impense studebat. Morbi autem vim non patientia modo ipsius: atque animi æquitas, sed etiam



Beatissimæ Virginis, aliorumq; coelitum visiones suavissimæ  
 leniebant. Inter eas porro illa utiq; jucundissima, qua eadem  
 Dei Mater sese illi conspiciendam dedit, complurium, qui reli-  
 giosæ illius disciplinæ Alumni fuerant numero comitata. Aliâ  
 præterea visione Servum suum Deipara cum Sanctissimo Filio  
 suo recreavit, pollicita insuper fore ut Ordo ab ipso institutus,  
 de quo sollicitus erat, ne fortè interiret, protegente se reflore-  
 sceret. Quod quidem, cum ad erigendos in spem suos magnopere  
 pertineret, existimavit se salvâ modestiâ posse id eisdem pa-  
 lam facere, atq; adeo debere. Sanctissimo deinde Corporis Chri-  
 sti viatico roboratus quatuor e suis Alumnis in Vaticanum mit-  
 tendos duxit: duos quidem qui Sancti Apostolorum Principis  
 æneam Statuam venerari pium illius pedibus osculum darent,  
 seu testem Catholicæ Romanæ Fidei, in qua emori, uti vixerat  
 Iosephus optabat: alios vero duos, qui a Summo Pontifice Chri-  
 sti Vicario plenam culpæ omnis, ac poenæ remissionem, ipsius  
 nomine peterent, atq; impetrarent. Sacra deum unctione mu-  
 nitus, lacrymas inter, ac preces suorum, sublatis ad Cælum ocu-  
 lis, & pendentis e cruce Christi imaginem osculatus, post in-  
 vocationē suavissimi Jesu nominis ter iteratam, sui compos, &  
 sensibus valens, pacatissimum Conditori suo spiritum reddidit.  
 octavo Kalendas Septembris anni Domini MDCXLVIII. Illud  
 autem sane admirabile quod e tam cari Parentis obitu non mæ-  
 rori, ut affolet, sed inusitata quædam lætitia filiorum ipsius ani-  
 mos repente occupavit, manantibus jam præ gaudio lacrymis,  
 quas antea dolor expresserat. Defuncti corpus maiestatem quā-  
 dam præferens rapiebat oculos, suavemq; ac cælestē utiq; o-  
 dore efflabat. Jamverò virginalis illius eximii pudoris etiam si  
 alia nulla, cum inter mortales ageret, indicia extarent, illud u-  
 num satis abundeq; foret, quod mortuus edidit planè admi-  
 randum. Quum enim Cadaver, detractio ut ablui posset indusio nu-  
 datū esset, manus illius dextera, nullo alterius impulsu, statim  
 partes eas cooperuit, quas verecundia conspiciere vetat: atq;  
 ut evidentius adhuc tam singulare pudoris studium appareret,  
 dimotā per eos, qui aderant, mortui dexterā, sinistra pariter ne-  
 mine impellente ad partes eas obtegēdas dexteræ vicē supplevit.

De Religione. Jam-



Jamvero cum SERVI DEI corpus ad Sacram Aedem Sancti Pantoleonis afferretur, quadriennis puer: En Sanctus inclamavit, ore lactenti, en Sanctus advenit. Magnus deinde concursus totius ferme Urbis ad funus illius celebrandum, praefertim post miracula, quae complura statim patrari per invocationem SERVI DEI coepta sunt. Quae cum ad aures felicitis recordationis Innocentii Papae X. Praedecessoris Nostri pervenissent, tum ipsius, tum Cardinalis in Urbe, ejusque Districtu Vicarii nomine Religiosis ipsius Filiis, qui spectatores, ac testes extiterant, demandata cura est, ut ea fideliter, atque accurate perscriberentur, ad eorum deinde, quorum interest, examen debitum revocanda. Quum autem novis indies miraculis SERVI DEI Sanctitas coruscaret, ejusque fama increbesceret, Cardinalis primum in Urbe Vicarii, Apostolica deinde autoritate coeptum est agi de Virtutum illius excellentia. Quae quidem cum in Congregatione S. R. E. Cardinalium Sacris Ritibus praeposita, communi Patrum judicio ad heroicum gradum pertigisse constaret, sanctae memoriae Benedictus XIII. Praedecessor Noster eorumdem judicium decreto suo confirmavit die octava Septembris MDCCXXVIII. In Miracula deinde autoritate Apostolica per tres Episcopos inquisitum, iisque rite in acta relatis, ac duobus ex illis Patrum suffragio dignis, probatu compertis, ejusdem memoriae Benedictus XIV. Noster item Praedecessor, consulto multis praecibus Deo, Patrum judicium, acceptam divinitus auctoritate, ratum habuit, atque approbavit die Maji decima anni MDCCXLVIII.

Ac primum quidem Miraculum patratum est in Margaritha Tanteri Virgine, Florentina, quae decenni aneurismata in ultimam vitae discrimen adducta, post imploratam JOSEPHI operam, puncto temporis integram valetudinem recuperavit. Miraculum alterum conspectum est in Christina Ceccherina Virgine ex eadem itidem Civitate Moniali, inter eas, quae Cappucinae vocantur. Haec enim per septennium variis simul morbis implicata, ut immobilis jam citra spem ullam decumberet, opitulante JOSEPHO, perfecte atque integre, divinitus repente convaleuit. Quum igitur de JOSEPHI virtutum heroica excellentia, & perspicua miraculorum nota satis abunde constaret, laudatus Benedictus XIV. nihil amplius cunctandum ratus, die VII. Augusti anni ejusdem,

MDCCX.



MDCCLXVIII. datis Apostolicis literis, JOSEPHUM Beatorum factis adscripsit.

Sed novis subinde coelestibus signis, Servi Sui Sanctitate Deo declarante, ut reliqui summi honores JOSEPHO decerni possent, authoritate Apostolica de recentioribus, quæ ferebantur per eundem patrata miracula, quæstio de more instituta est quâ feliciter expletâ, duo potissimum præ cæteris Patrum Sacrorum Rituum Congregationi præpositorum calculo probatu digna sunt habita, & Nos ipsi probavimus die xxv. Maji MDCCLXVI. Ac primû quidē editû est in Maria-Constantia Caminati Genuensi Uirgine, Moniali in Monasterio Ordinis Sanctæ Claræ extra mœnia Civitatis Tuderti. Phtisim illa jamdudum paternâ in domo contraxerat, quam aliquamdiu dissimulatam celare amplius non potuit. per undecim ipsos annos, assidua febris deteriorâ in diem symptomata tertium morbi illius gradû clare indicantia; Scirrhus in jecore duro extrinsecus, & late fuso tumore se pandens, aliâq; exinde subnascens morborû genera eò jam ægrâ adduxerant, ut pelle dumtaxat atque ossibus, nulla prætera corporis parte constare videretur. Itaq; non semel extremo sacramentorum subsidio munita, nihil jâ aliud opperiri poterat, quàm ut e consumpto corpore anima demigraret. Sed desperatâ humanitus valetudinem pia Monialis per BEATUM JOSEPHUM divinitus est consecuta. Quum enim brevi, quâ morbus in lectulo fineret, novemdiali prece illius se patrocinio commendasset, die ipsâ, quæ nona & postrema erat institutæ præcationis, placide consopita, & somno (quod numquã antea contigerat) diu producto, morbi vim omnem discussam sensit. Eodem tempore color vultui, vires corpori redditæ, quodq; magis utiq; mirandum fuit, caro non modo restituta, sed ea visa est addita, quæ fortasse nunquam extiterat. Neq; vero integra tantû fuit valetudo, sed etiâ perpetua.

Altera superans naturæ vim sanatio contigit Vincentiæ Buada Valentiniæ. Hæc enim tres vel quatuor annos nata, ex gravi lapsu; (dum per ludum ab imprudenti quopiam jactatur in area. & excipitur) luxatis aliquot spinalis medullæ vertebrae, gravilus primû morbis, perfectâ dein cõprehensa fuit paralyti, ita quidē, ut crura obinterclusos succi vitalis meatus, arida



( XIII )

da jã ac penè lignea motũ & sensũ omnẽ amississent. Conversa igitur puella ad coelestem opem, quandoquidem in humanis remediis nulla jam reliqua spes erat, noveindiali obsequio BEATI JOSEPHI auxilium implorat. Eo peracto, nondum tamen compos voti facta erat: Sed Patre admovente, brevi adhuc fusã precẽ, ea ipsa die, momento temporis motum, sensum, & quod mirandum est magis; carnem recuperavit.

Post hæc ejusdem Congregationis generalis die xxiii. mensis Septembris anni proximi elapsi coram Nobis habitæ consilium audivimus, an juxta consultissimas leges a Prædecessoribus Nostri ipsi Congregationi præscriptas, tuto ad BEATI JOSEPHI Canonizationem procedi posset, & quamvis in ea suffragium ferentes unanimi consensu id affirmaverint, nihilominus, ut accuratius causam perpenderemus, precibusque cum nostris, tum aliorum in re tanti momenti Divinum promeremur auxilium, nonnisi die xii. subsequentis mensis Octobris decretum, quo ad solemnem BEATI JOSEPHI Canonizationem, servatis servandis, quodcumque procedi posset, edi jussimus.

Interim vero Charissimus in Christo Filius Noster Carolus Hispaniarum Rex Catholicus, ut hoc decretum ad effectũ perduceretur, se summo opere optare Nobis significavit: ac dilecti filii Ordinis Clericorum Regularium Scholarum Piarum Superiores proprio, & cunctorum illius Professorum nomine assiduus Nobis preces porrigebant humillimas, ut eum, a quo divini numinis afflatu leges exemplo suo confirmatas acceperant, supremo tandem cultu decoratum conspicerent, & venerarentur.

Ut itaque quod supererat, ad Sacrorum Canonum normã & juxta venerabilia eorundem Prædecessorum Nostrorum instituta perficeremus, universi primum Collegii Fratrum Nostrorum S. R. E. Cardinalium consiliũ exquisivimus in Consistorio Secreto die xxvii. Aprilis proxime præteriti habito, in quo Nos ipsi summam virtutum, & miraculorum BEATI JOSEPHI, nec non seriem eorum omnium, quæ in ejus causa gesta fuerant, ipsis exposuimus, cunctisque adficientibus, ut ad supremam gravissimo huic negotio manum imponendam progredieremur, quamplures Venerabiles Fratres Archiepiscopus, & Episcopus ex universa ferme Italia in Urbem acci-

vimus,



vimus. eos quoque antequam definitivam sententiam ferremus in consilium adhibitori.

Hi omnes causam totam perdidicerunt, tum ex peroratione in Consistorio publico die VII. mensis Maji proxime preteriti coram Nobis habita a dilecto filio Alexandro Tozzi Nostræ Consistorialis Aulæ Advocato, tum ex plena, accurataque relatione gestorum, & virtutum BEATI JOSEPHI, cū Miraculis e Tabulario sæpeditæ Congregationis Sacrorum Rituum desumpta, quæ typis impressa singulis tradita fuit.

Coacto propterea die prima proxime etiam elapsi mensis Junii semipublico Consistorio, in quo præter eorundem Fratrum Nostrorum S. R. E. Cardinalium Collegium, omnes iidem Patriarchæ, Archiepiscopi, & Episcopi, qui hac ipsa de causa in Urbe aderant, sessionem habuere, factaque omnibus dicendæ sententiæ potestate, spectabilem hujusmodi Confacerdotum coronam summa consensione audivimus ad BEATI JOSEPHI Canonizationem Nos adhortantem. Qua de re omnium suffragia proprio singulorum chirographo subscripta colligi, & in Tabullarium Romanæ Ecclesiæ referri jussimus: mandantes præterea dilectis filiis Sedis Apostolicæ Notariis, ut super solemnī actu publica instrumenta conficerent.

Indicta deinde ad perficiendum Canonizationis Actum hodierna die, qua solemnīa Coronationis nostræ recurrunt, postquam superiori hebdomada per triduum omnes Christiani deles ad jejunium hortati fueramus, tribus Patriarchalibus Basilicis designatis cum plenariæ Indulgentiæ concessione, ut ad impetrandum Divini Spiritus lumen Fideles ipsi suas nostris adderent præces. Hac demum die congregatis in Vaticano omnibus viriisque Cleri Ordinibus, & Curiæ, ac Aulæ nostræ Proceribus, præcipue vero Venerabilibus Fratribus Nostris S. R. E. Cardinalibus Patriarchis, Archiepiscopis, & Episcopis, solemnī supplicatione divinam Majestatem exorantes ad Basilicam Principis Apostolorum processimus. Ibi autem cum dilectus Filius Noster Carolus Tituli S. Clementis S. R. E. Presbyter Cardinalis Rezzonico nuncupatus ejusdem S. R. E. Camerarius, pro Canonizatione impetranda Procurator designatus enixa Christianorum Principum, Antistitum, Capitulorum, Ecclesiarum, Magistratuumque, ac totius Ordī.



(XV)

Ordinis Clericorum Regularium Scholarum Piarum vota, atq; preces Nobis obtulerit pro solemnī Canonizatione ipsius BEATI JOSEPHI, ac etiam BEATORUM JOANNIS CANTII, JOSEPHI A CUPERTINO, HIERONYMI ÆMILIANI, SERAPHINI A MONTE GRARIO, ABASCULO denominati & JOANNÆ FRANCISÆ FREMIOT DE CHANTAL; Nosq; semel, iterum, ac tertio rogaverit, ut exoptatam dudum sententiam pronuntiantes, commune gaudium expleremus. Ideo Nos implorato prius universæ coelestis Curiae præsidio, & advocato cum gemitibus Paraclyto Spiritu, eoque sic inspirante, ad honorem Sanctæ & Individuæ Trinitatis, ad exaltationem Fidei Catholicæ, Religionis augmentū, autoritate Domini Nostri Jesu Christi, Beatorum Apostolorū Petri & Pauli, ac Nostra, B. JOSEPHUM CAALSANGIUM A MATRE DEI Ordinis Clericorum Regularium Scholarum Piarum Fundatorem, omni christianarum virtutum genere ornatum, de re christiana optime meritum, cælestium donorum copiā, & miraculorum gloriā prælustrem, Sanctum esse definiendo prenunciavimus, & una cum prædictis JOANNE CANTIO, JOSEPHO A CUPERTINO, HIERONYMO ÆMILIANI, SERAPHINO A MONTE GRARIO, ABASCULO denominato, & JOANNA FRANCISCA FREMIOT DE CHANTAL, Sanctorum Ecclesiæ fastis adscripsimus. Decernentes, juxta Benedicti XIV. Prædecessoris præfati literas, ipsius SANCTI JOSEPHI CALASANTII memoriam Sexto Kalendas Septembris, qua nimirum die illius Corpus tumulo demandatum fuit, in universa Ecclesia quotannis recolendam esse, ac ritu debito celebrandam. Ac omnibus Christi fidelibus, qui in Ecclesia Sancta Pantaleonis de Urbe nostra, ubi SANCTI JOSEPHI mortales exuviae coluntur, eadem designata die religiose accedent ac Deum Optimum Maximum juxta Nostram, & Piæ Matris Ecclesiæ mentem precati fuerint, Indulgentiam septem annorum, & totidem quodagenarum perpetuo in forma Ecclesiæ consueta concessimus.

Mox decantato pro debita gratiarum actione laudis, & confessionis Hymno, ad Aram Basilicæ Maximæ supra Sacratissimam Principis Apostolorum Confessionem incruentam salutis huma-



(XVI)

humani generis hostiam oblaturi reverenter accessimus, & facta eorundem Sanctorum speciali commemoratione post Evangelicam lectionem a Diaconibus latinâ, & græcâ linguâ decantatam, iusta & sancta exultatione spiritus sensimus Nos impelli, ut Venerabilem Sacerdotum coronam, & Populum universum, quem Religionis studium, atque Apostolicæ Sedis reverentia non ex Urbe modo, sed ex longinquis etiam Regionibus attraxerat; ad eorundem Sanctorum virtutes imitandas, & Patrocinium promerendum, Paterno affectu breviter adhortari, & accendere conaremur. Denique inexhausti Ecclesiæ thesauri divitias in eos qui adstabant Fideles veluti effundentes, Plenariam omnium peccatorum Indulgentiam, & remissionem misericorditer in Domino concessimus.

In hac autem tum nostræ, tum Populi totius Fidelis iustissima exultatione nostræ huic Urbi dilectissimæ alia profecto quædam peculiaris est causa, cur non modo S. JOSEPHO, sed etiam sibi magnopere gratularetur. Solatium est enim non parvi utique faciendum, quod venerabile JOSEPHI corpus apud Nos extat, quasi amoris erga Nos sui perenne pignus, & monumentum. Nam etsi ubique Terrarum Coelites clientibus suis opem impertiantur, ibi tamen & uberius id, & frequentius præstare solent, ubi corpore hoc est aliqua sui parte adhuc resident. Ad JOSEPHI ergo tumultum in angustiis, in periculis, in rebus dubiis quisque accedat, per hæc præsertim tam plena ærumnis, & calamitatibus tempora, nec dubitet, quin cum ex iis, quæ passus est, tam multa, tam aspera, patientiam didicit in Terris agens; regnantem modo gloriosum in supernis ædibus pium erga se, & propitium experiatur.

Quoniam vero post prolatam a Nobis Canonizationis sententiam, ab eodem Cardinale Procuratore Nobis humiliter supplicatum fuit, ut super præmissis omnibus Apostolicas literas perpetuo valituras decernere, & edere dignaremur; ideo Nos iustissimæ annuentes petitioni, præsentium tenore omnia & singula præmissa confirmamus, roboramus, atque iterum statuimus, decernimus, atque universæ Catholicæ Ecclesiæ denunciamus. Mandantes, ut earundem præsentium exemplis, etiam impressis, manu alicujus Notarii publici subscriptis, & sigillo  
Perfo-




(XVII)

Personæ in Ecclesiastica Dignitate constitutæ munitis eadem prorsus fides ab omnibus habeatur, quæ ipsis præsentibus adhiberetur, si forent exhibitæ vel ostensæ.

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, & voluntatis infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud Sanctum Petrum, Anno Incarnationis Dominicæ MDCCLXVII. Decimoseptimo Kalendas Augusti Pontificatus Nostri Anno Decimo.

✠ Ego Clemens Catholicæ  
Ecclesiæ Episcopus.



- ✠ Ego C. A. Episcopus Ostien. & Veliternen. Card. Cavalchini,  
Sacri Collegii Decanus.
- ✠ Ego F. M. Episcopus Portuen. & S. Rufinæ Card. Lantes.
- ✠ Ego J. F. Episcopus Sabien. Card. Albani.
- ✠ Ego H. Episcopus Tusculan. Card. Dux Eboracensis S. R. E.  
Vicecancellarius.

✠ Ego



(XVIII)

✠ Ego F. Episcopus Albanen. Cardinalis Sebellonus.

✠ Ego J. F. Episcopus Prænestin. Card. Stuppanius.

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

Ego C. Tit. S. Clementis Presbyter Card. Rezzonico S.R.E.  
Camerarius.

✠ Ego F. M. Tit. Sancti Silvestri in Capite Presbyter Car-  
dinalis de Rubeis.

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

Ego J. M. Tit. S. Alexii Presbyter Card. Castelli.

✠ Ego C. Tit. Sancti Petri ad Vincula Presbyter Cardinalis  
Elephantutius.

✠ Ego P. H. Tit. SSma Trinitatis in Mont Pincio Presbyter  
Card. Gaglielmi.

✠ Ego P. P. Tit. S. Stephani in Monte Caelio Presbyter Card.  
de Comitibus.

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠ Ego Fr. L. Basilica Sanctorum XII. Apostolorum Presbyter  
Card. Ganganelli.

✠ Ego M. A. Tit. Sanctæ Mariæ de Pace Presbyter Cardinalis  
Columna.

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠

✠ Ego



(XIX)


- ✠ Ego S. Tit. S. Joannis ante Portam Latinam Presbyter Card.  
Buonaccorsi.
- ✠ Ego J. C. Tit. SS. Joannis & Pauli Presbyter Card. Boschi Major Penitentiarius.
- ✠ Ego L. Tit. S. Anastasia Presbyter Card. Colinus.
- ✠ Ego A. Tit. Sanctae Mariae in Via Presbyter Cardinalis Columba Brandisforti.
- ✠ Ego P. Tit. S. Mariae Transiberim Presbyter Cardinalis Pamphilius.
- ✠ Ego Ph. M. Tit. S. Chrisogoni Presbyter Card. Pirellius.
- ✠ Ego A. Sanctae Mariae in Via-Lata Prior Diaconorum Cardinalis Albanus.
- ✠ Ego N. S. Eustachii Diaconus Card. Corsinus.
- ✠ Ego D. S. Mariae ad Martyres Diaconus Card. Ursinus.
- ✠ Ego Fl. Sanctae Mariae in Porticu Diaconus Card. Chisius.
- ✠ Ego A. M. Sanctae Agathae ad Suburam Diaconus Cardinalis Torrigiani.
- ✠ Ego J. C. Sancti Caesaris Diaconus Card. Caracciolus de Sancto Bono.
- ✠ Ego N. Sancti Gergii in Velabro Diaconus Card. Perrelli.
- ✠ Ego A. Sancti Angeli in Foro Piscium Diaconus Cardinalis Corsinius.
- ✠ Ego A. Sancturum Viti & Modesti Decanus Cardinalis Nigronus.
- ✠ Ego Ae. S. Sancti Adriani Diaconus Card. Piccolomineus.
- ✠ Ego



(XX)

✠ Ego X. Sanctæ Mariæ de Scala Diaconus Card. Canale.  
✠ Ego B. Sanctorum Cosmæ & Damiani Diaconus Cardinalis  
Veterani.

✠  
✠  
✠  
✠  
✠  
✠



C. Card. Pro-Datarius. A. Card. Nigronus.

VISA.

De Curia J. Manassei.

L. Eugenius.

Loco ✠ Plumbl.

*Registrata in Secretaria Brevium.*

Vincentius Macedonius Sacrorum Rituum  
Congregationis Secretarius.





s.



